

Museo Arkeologico:

Pütchipü'ü, e ofishi di e palabra entre e indjannan Wayuu



ORANJESTAD - Na Museo Arkeologico dia-bierna a yama bon bini e prome intercambio di exhibicion internacional.

Un exhibicion di Colombia cu yama Pütchipü'ü, esta e ofishi di e palabra entre e indjannan Wayuu. Dilanti un publico grandi a haci acto oficial di e apertura di exhibicion cu un obra demostrando e custumbenan tradicional di e indjannan.

E tabata un momento historico cu lo keda marca den buki di Museo Arkeologico unda cu pa prome biaha tin e intercambio di coleccion historico internacional cu ta bira un di e prome nan cu a tuma luga. Pa Minister Otmar Oduber ta hopi importante mirando cu loke ta keda expone no ta un exhibicion sin mas pero cu por agrega cu ta trata aki di un exhibicion cu un relacion unico. Museo Arkeologico tin un enlace directo cu colonia Wayuu. E mandatario ta splica cu na momento cu mester realisa y mira cuanto persona di e colonia Wayuu ta biba na Aruba, pero tambe cuanto Arubiano ta biba na Colombia ta muestra cu Aru-

ba tin un base di cual e principio cu ta filia e Arubiano ta keda reconoci hopi den e colonia Wayuu na Colombia y na Venezuela. Nan forma di biba y resolve conflicto ta uno admirabel unda cu nan mes ta apunta un persona na momento cu regla e situacion. E grupo aki no tin hues, ni cuerpo policial, ni militar.

Nan no tin niun autoridad apunta pa resolve problema, pero nan mes ta apunta un persona pa intermedia y combersa y yega na un solucion. Intencion ta awor den e proximo 6 lunanan e topico di Pütchipü'ü lo bira topico di charlanan intensivando curiosidad. Lo tin intercambio di informacion entre Museo y Universidad di Aruba pa haya un bista mas amplio di e patronchi di comportacion di e indjannan Wayuu. Por ehempel lo evalua manera di resolve conflictonan compara cu esunnan di nos. Di momento cu drenta e exhibicion ta notabel cu ta trata aki di un tribu cu kier paz. Tambe ta hopi notabel tambe e balor cu e tribu ta duna na tur humano. Algo sigur cu nos tur por siña di dje cu formanan simpel cu e indjannan cu

ta hopi yega na Arawak cu a yega Aruba tabata solucionan nan problemanan of disputanan traves di dialogo. Un custumber y tradicion cu no solamente aki na Aruba nos por siña di dje pero tur rond mundo por recorda con den e temponan di antes, ta traves di dialogo ta logra yega hopi mas leu.



Sr. Angelo Tromp cu ta actualmente director interino di Museo Arkeologico a elabora cu esaki ta marca e prome exposicion internacional di museo arkeologico nacional di Aruba, mediante un colaboracion generoso cu Museo del Oro di Bogota. Den e sala nan di Museo Arkeologico por admira e tradicion cultural bibo di un tribu Amerindio-Caribense existente. Tanto Minister Otmar Oduber y Gobernador di Aruba Su Excelencia Fredis Refunjol tabata presente na e apertura oficial di e exhibicion importante aki unda cu ta rindi honor na un momento di e familiaridad, hermandad y sigur un demostracion con cerca dos Nacion, dos Pais y comunidad por ta cerca di otro aunke cu tin un lama grandi cu ta separa otro.

28apr, NW, Pütchipü'ü

